

Sáme girkkolasj válggatjáhkanime njuolgasusá

Girkkotjáhkanimes nammaduvvam vuoratjismáno 16. bieveje 2018 njuolgasusáj milta mierreduvvam vuoratjismáno 16. bieveje 2018 mij guosská tjoaggulvisrádij, bisspaguovllorádij ja Girkkotjáhkanibmáj (girkkoválganjuolgasusá) § 13-2 ja láhka biehtsemáno 7. biejeves 1996 nr. 31 Vuona girkko hárráj (girkkoláhka) § 23 nuppát ladás.

Kapihttal 1. Ulmme, dahkamusá, tjoahkkájbidjam ja ienep

§ 1-1. Válggatjáhkanime ulmme

Sáme girkkolasj válggatjáhkanibme la ávdástiddje orgádna sáme girkkoiellemij Vuona girkkon mij galggá sáme girkkoiellemav bisodit ja ávdedit.

§ 1-2. Válggatjáhkanime dahkamusá

Válggatjáhkanibme galggá tjuovvomasj ávtodusájt oajvvadit Sáme girkkorádáj:

- Sáme girkkoráde jádediddje sadjásattjajn,
- nuorttasáme ávdástiddjev Sáme girkkorádáj persávnálasj sadjásattjajn,
- julevsáme ávdástiddjev Sáme girkkorádáj persávnálasj sadjásattjajn,
- oarjjelsáme ávdástiddjev Sáme girkkorádáj persávnálasj sadjásattjajn,
- ietjá bisspaguovloj ávdástiddjev Sáme girkkorádáj persávnálasj sadjásattjajn.

Girkkotjáhkanibme láhpalattjat vállji Sáme girkkorádev válggatjáhkanime oajvvadásájn vuodon.

Válggatjáhkanibme galggá válljit tjuovvomasj sáme ájrrasijt guokta nuorttalamos bisspaguovllorádijda:

- Nuorttasáme ávdástiddjev guovtij sadjásatttaj Nuortta-Hålogalátte bisspaguovllorádáj ja Girkkotjáhkanibmáj.
- Julevsáme ávdástiddjev guovtij sadjásatttaj Oarjje-Hålogalátte bisspaguovllorádáj ja Girkkotjáhkanibmáj.

Ietján buktá válggatjáhkanibme javllamusáv gá girkkolasj oajvávalasj dav ánot jali gá válggatjáhkanibme ietjas miela milta sihtá juokkirak ássjev lággjit.

§ 1-3. Válggatjáhkanime ávdástiddje

Sáme girkkolasj válggatjáhkanime li dá ávdástiddje:

- Sáme girkkoráde ájrrasa,
- nuorttasáme ájrras Nuortta-Hålogalátte bisspaguovlloráden, julevsáme ájrras Oarjje-Hålogalátte bisspaguovlloráden, oarjjelsáme ájrras Nidaros bisspaguovlloráden,
- guokta ávdástiddje nammaduvvam Sáme girkkoráde nuorajnammadusás,
- vihtta ávdástiddje nammaduvvam Saemien Áålmege/Sáme tjoaggulvis oarjjelsáme giellaguovlon,
- akta ávdástiddje nammaduvvam tjoaggulvisrádes juohkka giellaháldadimsuohkanin oarjjelsáme guovlon, ja guokta ávdástiddje nammaduvvam tjoaggulvisrádij juohkka giellaháldadimsuohkanin julev- ja nuorttasáme giellaguovlon,
- guokta ávdástiddje geŋga nammaduvvam Nuortta-Hålogalátte bisspaguovllorádes, Oarjje-Hålogalátte bisspaguovllorádes ja Nidarosa bisspaguovllorádes. Bisspaguovlloráde bierriji aj gehtjadit jut aj sáme gudi giellaháldadimguovlo álggolin árru ávdástuvvi.
- akta ávdástiddje geŋga nammaduvvam Møre bisspaguovllorádes, Hamar bisspaguovllorádes, Bjørgvin bisspaguovllorádes, Agder ja Telemark

bisspaguovllorádes, Oslo bisspaguovllorádes, Borg bisspaguovllorádes ja Tunsberg bisspaguovllorádes.

Gå guokta jali ienep ávdástiddje välljiduvvi de galggi sjierve milta välljiduvvat.

Jus li binnep gå lågev ávdástiddje juohkkat dajs gálmma giellaguovlojs mij f) bokstáva milta tjuovvu, galggá dat bisspaguovlloráde nammadit lasse ávdástiddjiit vájt juohkkat giellaguovlos li binnemusát lågev ávdástiddje.

Bokstávaj c) – g) milta bæssá välljit sijájt gudi tjuovvovasj ævtojt állidi:

- a) bessi girikko válgajn jienastit
- b) adni ietjasa sábmén ja gænna la sáme giella sijddagiellan jali gænna la læhkám æjgát, áhkko jali áddjá jali máttaráhkko jali máttaráddjá gænna la/lij sáme giella sijddagiellan, jali
- c) la ietjá láhkáj sáme girkkoiellemij tjanáduvvam njuolgadusáj milta ma li Sáme girkkorádes mierreduvvam

Sáme girkkoráde dat mierret jus la iehpedibme makta muhtem ulmusj állit njuolgadusáj váj bæssá suv välljit.

§ 1-4. Ávdástiddje gå galggá välljit sáme ájrrasav Nuortta-Hålogalátte bisspaguovllorádáj ja Oarjje-Hålogalátte bisspaguovllorádáj

Gå vällji sáme ájrrasav Nuortta-Hålogalátte bisspaguovllorádáj de oassálassti dássju Nuortta-Hålogalátte bisspaguovlo ávdástiddje:

- a) Sáme girkkoráde nuorttasáme ájras,
- b) Nuortta-Hålogalátte bisspaguovlloráde sáme ájras,
- c) ávdástiddje nammaduvvam tjoaggulvisrádijs sáme giellaháldadimguovlon Nuortta-Hålogalátte bisspaguovlos,
- d) Nuortta-Hålogalátte bisspaguovllorádes nammaduvvam ávdástiddje
- e) ietjá delegáhta válggatjáhkanimen gudi Nuortta-Hålogalátte bisspaguovlon árru.

Gå vällji julevsáme ájrrasav Oarjje-Hålogalátte bisspaguovllorádáj de oassálassti Oarjje-Hålogalátte bisspaguovlo ávdástiddje:

- a) Sáme girkkoráde julevsáme ájras,
- b) Oarjje-Hålogalátte bisspaguovlloráde sáme ájras,
- c) ávdástiddje nammaduvvam tjoaggulvisrádijs sáme giellaháldadimguovlon Oarjje-Hålogalátte bisspaguovlos,
- d) Oarjje-Hålogalátte bisspaguovllorádes nammaduvvam ávdástiddje
- e) ietjá delegáhta válggatjáhkanimen gudi Nuortta-Hålogalátte bisspaguovlon árru.

§ 1-5. Gárvedibme ja gáhttjom tjáhkanibmáj

Sáme girkkoráde gárvet dajt ássjiit ma galggi Sáme girkkolasj válggatjáhkanimes giehtadaláduvvat.

Válggatjáhkanibme tjadáduvvá ávdvál snjilltjamáno 1. bieje girkkolasj válgaj válggajagen. Ájgge ja bájkke Sáme girkkorádes mierreduvvá.

Sáme girkkoráde ietjas jádediddje baktu gáhttju Sáme girkkolasj válggatjáhkanime ávdástiddjiit mañemusát 5 vahko ávdvál tjáhkanime. Ássjelissta ja ássjepáhppára galggi gáhttjomav tjuovvot. Sáme girkkoráde duogen la tjáhkanimev ásadit.

§ 1-6. Nominerimnammadus

Sáme girkkolasj válggatjáhkanibme vällji nominerimnammadusáv vidájn ájrrasijn ja sæmme állo sadjásattjaj tjáhkanime ávdástiddijij gaskan. Nammadus niellja jage doajmmá.

Nominerimnammadus oajvvat kandidáhtaj dajda válgajda ja nominasjåvdája majt válggatjáhkanibme galggá välljit. Kandidáhttalista galggi alfabehta milta biejaduvvat.

Kapihttal 2. Kandidáhtaj oajvvadásá

§ 2-1. Sáme girkkoráde kandidáhta oajvvadásá

Sáme girkkoráde galggá ájggá jaget ávdđála válga sáddit alodusáv gájka Vuona girkko tjoaggulvisrádijda buktet oajvvadásájt kandidáhtajda Sáme girkkoráde jádediddjáj

§ 2-2. Oajvvadásá kandidáhtajda Sáme girkkorádáj nuorttasáme giellaguovlos

Sáme girkkoráde galggá ájggá jaget ávdđála válga sáddit alodusáv gájka tjoaggulvisrádijda Nuortta-Hålogalátte bisspaguovlon buktet oajvvadásájt kandidáhtajda Sáme girkkorádáj nuorttasáme giellaguovlos.

§ 2-3. Oajvvadásá kandidáhtajda Sáme girkkorádáj julevsáme giellaguovlos

Sáme girkkoráde galggá ájggá jaget ávdđála válga sáddit alodusáv gájka tjoaggulvisrádijda Oarjje-Hålogalátte bisspaguovlon ietján gá tjoaggulvisá oarjjelsáme giellaguovlon buktet oajvvadásájt kandidáhtajda Sáme girkkorádáj julevsáme giellaguovlos.

§ 2-4. Oajvvadásá kandidáhtajda Sáme girkkorádáj oarjjelsáme giellaguovlos

Sáme girkkoráde galggá ájggá jaget ávdđála válga sáddit alodusáv gájka tjoaggulvisrádijda Nidaros bisspaguovlon, aktan Saemien Åålmegeeraerie, ja tjoaggulvisrádijda daj právsståguovlojn Oarjje-Hålogalátte, Hamar ja Møre bisspaguovlojn ma oarjjelsáme giellaguovlluj gulluji buktet oajvvadásájt kandidáhtajda Sáme girkkorádáj oarjjelsáme giellaguovlos.

§ 2-5. Oajvvadásá kandidáhtajda Sáme girkkorádáj ietjá bisspaguovlojs

Sáme girkkoráde galggá ájggá jaget ávdđála válga sáddit alodusáv gájka tjoaggulvisrádijda Oslo bisspaguovlon, Bjørgvin bisspaguovlon, Agder ja Telemark bisspaguovlon, Borg bisspaguovlon, Stavanger bisspaguovlon ja Tunsberg bisspaguovlon, Møre bisspaguovlon, ietján gá oarjjelsáme giellaguovllo, ja Hamar bisspaguovlon, ietján gá oarjjelsáme giellaguovllo, buktet oajvvadásájt kandidáhtajda Sáme girkkorádáj ietjá bisspaguovlojs.

§ 2-6. Oajvvadásá kandidáhtajda sáme ávdástiddijda Nuortta-Hålogalátte bisspaguovllorádáj ja Oarjje-Hålogalátte bisspaguovllorádáj

Nuortta-Hålogalátte bisspaguovlloráde ja Oarjje-Hålogalátte bisspaguovlloráde galggi ájggá jaget ávdđála válga sáddit alodusáv gájka tjoaggulvisrádijda buktet oajvvadásájt nuorttasáme ja julevsáme kandidáhtajda bisspaguovllorádáj.

Kapittel 3. Sáme girkkoráde kandidáhtaj nominerim

§ 3-1. Nominerimnammadusá oajvvadásá Sáme girkkoráde kandidáhta nominasjåvnnáj

Válggatjáhkanime nominerimnammadus galggá dahkat listav alfabehta milta oajvvadásájt kandidáhtaj Sáme girkkorádáj mij válggatjáhkanibmáj ávdeduvvá. Listan galggi tjuovvovasj oajvvadásá:

- a) akta gitta gålmmá oajvvadásá kandidáhttan Sáme girkkoráde jádediddjen,

- b) guokta gitta niellja oajvvadásá ájrrasasij ja sadjásatttaj nuorttasáme giellaguovlos,
- c) guokta gitta niellja oajvvadásá ájrrasasij ja sadjásatttaj julevsáme giellaguovlos,
- d) guokta gitta niellja oajvvadásá ájrrasasij ja sadjásatttaj oarjjelsáme giellaguovlos,
- e) guokta gitta niellja oajvvadásá ájrrasasij ja sadjásatttaj ietjá bisspaguovlojs,
- f) akta gitta guokta oajvvadásá kandidáhttan Sáme girkkoráde jádediddje sadjásatttaj.

§ 3-2. Ietjá oajvvadásá válggatjáhkanime ávdástiddjijs

Válggatjáhkanime ávdástiddje bessi ávdedit ietjá oajvvadásájt kandidáhtajda Sáme girkkorádáj.

§ 3-3. Nominerim

Válggatjáhkanibme nomineri tjuovvovasj kandidáhtajt Sáme girkkorádáj:

- a) avtav kandidáhtav Sáme girkkoráde jádediddjen,
- b) avtav kandidáhtav ájrrasin nuorttasáme giellaguovlos,
- c) avtav kandidáhtav ájrrasin julevsáme giellaguovlos,
- d) avtav kandidáhtav oarjjelsáme giellaguovlos,
- e) avtav kandidáhtav Møre, Hamar, Bjørgvin, Agder ja Telemark, Oslo, Borg, Stavanger ja Tunsberg bisspaguovlojs.

Bokstávajda a) gitta e) nomineri válggatjáhkanibme sæmmi állo kandidáhta persávnálasj sadjásattjan.

Nominerim la dábálasj ieneplágojn ja Girkkotjáhkanibmáj sáddiduvvá.

Kapihttal 4. Válga nuorttasáme ájrrasis Nuortta-Hålogalátte bisspaguovllorádáj ja Girkkotjáhkanibmáj ja julevsáme ájrrasis Oarjje-Hålogalátte bisspaguovllorádáj ja Girkkotjáhkanibmáj

§ 4-1. Nuorttasáme ájrrasa nominerim Nuortta-Hålogalátte bisspaguovllorádáj ja Girkkotjáhkanibmáj

Oajvvadásáj milta biedjá válggatjáhkanime nominerimnammadus ávdđán vihtta kandidáhta nuorttasáme ájrrasijda Nuortta-Hålogalátte bisspaguovllorádáj alfabehta milta.

Válggatjáhkanime ávdástiddje nuorttasáme giellaguovlos, § 1-4 vuostasj lahtasa milta, bessi ietjá kandidáhtajt oajvvadit tjáhkanimen.

§ 4-2. Nuorttasáme ájrrasa válljim Nuortta-Hålogalátte bisspaguovllorádáj ja Girkkotjáhkanibmáj

Válggatjáhkanime ávdástiddje nuorttasáme giellaguovlos, § 1-4 vuostasj lahtasa milta, válljiji dábálasj ieneplágojn nuorttasáme ájrrasav ja guokta nuorttasáme sadjásattja Nuortta-Hålogalátte bisspaguovllorádáj ja Girkkotjáhkanibmáj.

§ 4-3. Julevsáme ájrrasa nominerim Oarjje-Hålogalátte bisspaguovllorádáj ja Girkkotjáhkanibmáj

Oajvvadásáj milta biedjá válggatjáhkanime nominerimnammadus ávdđán vihtta kandidáhta julevsáme ájrrasijda Oarjje-Hålogalátte bisspaguovllorádáj alfabehta milta.

Válggatjáhkanime ávdástiddje julevsáme giellaguovlos, § 1-4 nuppát lahtasa milta, bessi ietjá kandidáhtajt oajvvadit tjáhkanimen.

§ 4-4. Julevsáme ájrrasa välljim Oarjje-Hålogalátte bisspagoovllorádáj ja Girkkotjáhkanibmáj

Válggatjáhkanime ávdástiddje julevsáme giellaguovlos, § 1-4 nuppát lahtasa milta, välljiji dábalasj ieneplágujn julevsáme ájrrasav ja guokta julevsáme sadjásattja Oarjje-Hålogalátte bisspagoovllorádáj ja Girkkotjáhkanibmáj.

Kapihttal 5. Muhtem njuolgasusá

§ 5-1. Giella

Sáme girkkolasj válggatjáhkanime giella la sámegiella ja dárogiella. Sámegielajn miejnniduvvá nuortta- julev- ja oarjjelsámegiella.

§ 5-2. Smávep rievddadusá, lijggenjuolgasusá ja ássjegiehtadallamvuohke

Girkkotjáhkanibme Girkkorádev fábmot njuolgasusájt vehi rievddadit. Sáme girkkoráde galggá bessat ietjas vuojnov ávdedit ávddål rievddadime mierreduvvi.

Girkkotjáhkanibme Girkkorádev fábmot lijggenjuolgasusájt mierredit. Sáme girkkoráde galggá bessat ietjas vuojnov ávdedit ávddål lijggenjuolgasusá mierreduvvi.

Válggatjáhkanibme iesj ietjas ássjegiehtadallamvuogev mierret Sáme girkkoráde oajvvadusá milta.